

皇朝經世文新編

皇朝經世文新編卷十六上目錄

外史

論歐洲現情

論丙申年列國情形

歐洲近世外交史

記西國古史

日人關名附

日人關名附

日人關名附

關名

外史

論歐洲現情

日人闕名附

英人夙著眼於歐洲東部乃以亞兒米尼亞為口實欲以成其志蓋萬取所能知也雖然亞兒米尼亞之事本非旦暮所能斷故專心討究以悉其策之所出者頗乏人矣蓋一為事情使然而又一因列國形勢也夫英果懸亞兒米尼亞入苦土耳其虐政而無所告愬欲使連脫羈絆乎頗覺可疑也何則英駐土耳其大使言曰亞兒米尼亞富人本不喜狂妄唱獨立之說誠恐剛暴無謀奮激土人迷信宗教之心遂以奈世局之靜謐也且夫所謂獨立自治者亦不過青衿子弟所夢想耳試案其管政地理則可以知焉蓋亞兒米尼亞之稱乃昔時地名而亞兒米尼亞享國二千餘年雖文學歷史乃其所固有而彼古國之民不能占居此古版圖亞人之在歐洲而雜處於土耳其希獵勃兒加利亞等無慮數萬人在亞細亞者亦二三百萬人亦與土人雜處焉獨割據自丹山中一部族為本來之亞兒米尼亞人此民雖在土國版圖中守彈丸黑子之地而未嘗奉土國之政治制度其實一獨立自治之民矣若許亞人以獨立自治之制則與亞人隣接者亦將出於亞人所為而倣效焉故土國應不堪其弊也抑行自治之制必當同一其根本沙漠斯島行自治之制並同其種族又同奉希獵教克拉得島行自治之制雖異其宗教而同其人種且同操希獵語又孤島環海境域劃然如彼亞兒米尼亞則漠然襲古地名而人民在疆內者已不同其種族又不同其宗教言語紛然雜然固不可言焉極論亞兒米尼亞之事則其所謂自治獨立者決難期望況亞人有恒產恒心者所必不喜也英國大使非烈不加利氏所具報亦頗言此意孰謂亞兒米尼亞之事可一刀兩斷得其要領乎英人處之亦可謂頗難矣為英人者果逼

土廷置奉基督教太宇於亞兒米尼亞乎又或使土廷無干涉亞兒米尼亞教會之事乎事出於此則雖土廷不喜亦必許諾焉然土廷不守信英人所熟知也英人既鳴土廷之非則其出於千艱萬苦之途亦不得已也何者一鳴其非而不及其所見極則奈英之國威何於是欲廢土皇而列國監視其政務之論出焉然既如此則究論其終極不分割此國不鳳也夫土皇君臨基回兩教人民之上而獨取兵於奉回教民以為干城奉基督教民時或有叛則回兵制之其國制既如是雖連廢數帝亦恐無益也土廷今日之情蓋非亞末知那家未多即土性質所能使然而其國制實致然也所謂國制者何曰國教也指回教彼廢帝迂遠之說土皇亦知之故聞其說而怙然不顧以為出於脅嚇也於是列國合同欲改革其幣政而各邦每異其利害日延一日不見成效固其宜矣至於分割土國之論列國利害攸關彼俄國龐然有自強之意非一日之故今將有為於東亞雖未嘗顧東歐之餘地然拮据經營匠心慘澹多歷年所一旦變起東歐則所以應之道既豫定也久矣倘將彼君士坦丁堡付與他國俄決不能忍視也俄人本抱雄心唯緩急有先後故姑靜觀之耳俄之長策如是而已奧國利害有關切於歐洲東部亦猶俄國之於歐洲東部也彼見三國同盟將解散孜孜於買歐洲東部之歡心與羅馬尼亞訂盟約退讓於維爾塞而了結事局且調停希臘羅馬尼亞兩國反目又履伯林會議之約開通鐵門大船巨舶可以上下多瑙河直到黑海豈非不許他國垂涎於馬兒莫拉海沿岸而何也夫君士坦丁堡之地一方有謁連禿抑士卑士鐵路一方有鐵門之固奧國東出必以此為門戶況該鐵路可以經由也爾梗海而直出地中海若付諸他人固奧國所不能忍也然而俄懷雄志於歐洲東部亦有排奧之意隱約可見焉蓋俄之意欲聯合塞勃及門的爾愚魯以為同盟也往時塞勃有隔絕之觀今也將訂結通商條約又塞王厯山將聯婚於門的爾愚魯第五子苦賒尼亞意太按此等事情則知俄國政策伏在於其間何難之有哉然則如欲將彼沙羅爾革付與奧國而俄國自獲君士坦丁堡惡能成其志哉況有英國在卧榻之上而關切

利害於印度埃及乎則這般政策甚難調理無容多辯計與國亦以守現時形情為利也則昭昭明矣

論丙申年列國情形

嗚呼五洲亦廣矣哉中日兵氣既銷為日月之光雖未見驚天動地之大戲劇乎然環球到處小啟紛爭其在歐洲則有革雷得島叛亂有馬且多爾亞蜂起土京君士坦丁則有虐殺亞兒米尼亞人事其在亞洲則有馬尼拉樹獨立旗而反抗西班牙政府而於美洲則有古巴獨立戰爭已歷二載而未見和局其他若非洲則有英國始終垂涎不已者如忍爾把兒篤能事把兒馬得俾兒等之事雖多未成功亦地球上一劇場矣若參觀中日一役震動歐亞人士之耳目則固非其倫也雖曰客歲安靖無事列國形勢雖似平穩然戰爭交構非唯地球大戲劇也何則環宇大事非獨爭戰交構一事也抑列國萬起萬滅之變接乎日夜而興衰成敗之故所係焉然有三大動機推移於冥默之間而最為關鍵觀於去年最彰明較著者其何謂二天動機之顯著曰俄稱霸權於東半球美樹強勢於西半球也抑亞美利加已無一王國在焉其立國於此者皆共和國耳美欲囊括此等小共和國而盡總統之虎視眈眈苦心亦有年矣如前國於大臣母領氏嘗欲糾南北美洲合諸小共和國為附庸又欲縱斷中部美洲設南北大鐵路其意可見矣然未嘗顯言其意所在也其明言此者現總統若爾若倫篤氏氏於毀里尼爾拉之事宣言曰美洲之大陸地不許歐洲列國染一指矣其意氣太盛而專橫則極矣昔羅馬法王專權於歐洲置喙於歐洲政治自居太高自謂君主中之第一而欲行其權於君主之上矣意者美國之舉動甚酷似焉美國總統以為未足饜心乃欲居西半球諸共和國上而為之總統也是其志欲兩分乾坤而稱雄於其一者矣雄心如此故以排斥歐洲之勢力為美洲握要手段而英國實為其所擠雖歐人亦知美國有專橫之意而彼毀尼爾拉之雪以美人義使扶弱挫強且默過之耳雖然美一旦欲稱無上主權於西半球中則誰許其僭越乎哉

俄欲雄霸歐亞天下獨具隻眼之士所齊視也蓋俄如昔日之秦彼英法德奧其猶齊楚燕趙乎列國本非無謀士策者而未見有一人能搔俄國之吭拊其背以制其死活者皆俛首低頭喘喘焉欲力得彼之歡心故俄人拱手窺占利益如土耳其之事雖英人焦心苦慮嗷嗷鳴噪而俄國視若淡然矣何者俄人實知半死之帝國指上日間必為墟而能拾其遺賢者除已別無人也故敢不說黑海之鎖鑰又敢不勞心於亞兒米尼亞唯徐待機會之至耳土人愚戇不能預燭俄國之雄圖一賴俄人為援盡將珍寶名器饋獻俄皇竟不覺悟為俄人外交之巧術所瞞蔽也嗚呼俄人不足患土人實可哀也蓋俄國不唯以侵略為國是其於外交之策亦實居五洲列國之上也其操縱極巧折衝尊俎又作坦懷廣量之觀以能容小弱諸國稱庇護而馴服焉如朝鮮與中國既入其樊籠中矣抑俄人得寸守寸得尺收尺故其掌握方土不肯放開而棄却焉如朝鮮與中國欲挽回之於掌中蓋實難也印度之地俄所垂涎去歲旱魃薄至五穀不登十有六萬之蒼生瀕危飢餓英國不設救濟之方而俄盛捐銀施贈米麥賑恤窮民瘡痍感泣是欲得彼歡心以為異日之計也若它日哥薩騎兵下盼美兒原長驅襲卡兒割得則印度蒼生必單食盡漿以迎俄皇之師矣又意國與亞憐西尼亞結搆不解俄人以為奇貨密干涉其間賣私恩於亞竟得貯煤地於阿摩積枯海沿岸一旦有事於東方之日長航萬里便得煤炭於中途又銳意敷設西伯利亞原野其意蓋在異日即天印度雄飛太平洋面期無阻礙也俄去歲所措畫一一可見雖英國切齒不平於俄所為而霸權已移於俄人之手亦無可如何嗚呼環球列國隆替興亡何常之有生移物換循環無端寰宇之大勢又將大變也乃以上年觀寰宇之大局全為俄人獨擅勝場其舉加冠之典也星羅萬國不問文野五洲國民不論黃白齊詣朝賀有列國賀彼霸權之觀是俄人銷貨八百萬留以買其霸之寶也如法國以廢國幣一千五百法郎以擁迎俄皇來遊是何意也德美法俄之相善亦欲得俄之歡心以備法人英國亦媚俄意國傾心俛首與國亦逡巡不遑意歐洲諸國舉窺其尊卑也嗚呼俄前

皇嘗懷圖以訓後世子孫至今其志將遂也然俄人猶以為未足或展力於波斯朝廷或求歡心於中部亞細亞諸部或面長或簡派探討隊伍於西藏又或掠中國西部土壤籠絡中朝大員為爪牙又或名稱庇護諸王而其實虜之於公使署一隅挾以號令雞林八道也俄人所為既已如此則欲使元山仁川為西伯利亞鐵路東端亦償其志耳欲使旅順大連灣為泊戰艦之場亦唯其意耳嗚呼若朝鮮與中國猶懵不知警哉俄人崛起稱霸如此之速然英前內閣之招失於外交亦猶我國伊藤當局之時此一失不可復回英國赫赫之威名殆墜地矣蓋往年中日之事方將結局俄法德三國相聯干涉中日和局而英國袖手旁觀不能進而破三國之盟又不能退而入其間於是乎英國之威望卒然空去遂至東亞之事不能置喙爾來遂迨至今未能收拾其頹勢故土耳其半老垂死之帝國見英無能作為雖有亞兒米尼亞革雷得等之事為英人所督逼猶且夷然焉意與兩邦亦懲英人以利於己故則輒訂而同盟不甚信英國德憎惡英人最甚聞其新報極口痛罵英國最盛之運殆將盡矣然英人猶揚言曰孤立無援方自以為榮矣嗚呼吾雖未知其為榮為辱而英人失意於外交則嘗知之矣近時土耳其之事起英人以為不忍坐視然此事使英國威權轉失墜挫折矣初土人虐殺亞兒米尼亞人報至英國道路喧傳咸極慷慨皆謂英國保守黨政府必干涉之以遏其暴虐而出於人類博愛之旨然保守黨政府視之夷然若不聞焉於是在野改進黨人等奮然揚袂而起大聲疾呼曰土國宜懲土皇宜廢焉老政治家盧翁亦不忍閑居坐視遂出波華天莊野所居別名臨列花布兒集會宣言曰英當以獨立干涉土國之事即將與歐洲同盟之師互相構爭亦不敢辭焉其言壯則壯矣然奈其少思慮何蓋一時執情所發竟至此也當是之時沙侯優游持重以為英國孤立無援豈得出此策哉乃欲與俄相結以調理土國之事徐待俄皇巡游詣英駐蹕於巴兒莫拉兒宮造謁二次於是乎道路為說謂英俄訂議英國新報異口同音齊相慶頌未幾論鋒一變或曰英宜拋棄在地中海西噶布拉士島而買俄歡心或曰縱俄人占得土

京君士坦丁堡或曰任俄人駐屯軍墜於亞兒米尼亞夫英以助土耳其防阻俄人南侵為國是益必多當
士兩大政治家以來其所以為外交宗旨也然今也不然視此遺法如棄敝屣步俄國之後塵拜強霸之下風
舉國恬不為怪豈非天下大奇事乎回首前四五年沙侯之政策以與俄國爭強勢不相下為志然今也國勢
陵夷使俄遂成霸名為英人者豈能無今昔之感乎

夫西半球之地西班牙國所嘗握霸權者也讀史者必知南美洲諸共和國多為其統治及英得加拿大與東
海岸十三洲殖民地西國霸權忽歸英人之手未幾有美國崛起而自立遂脫英國之羈絆矣然英猶未全失
雄勢於西半球也至昨午有委納瑞拉事英美之間聲氣齟齬而不能相平蓋英之與委本自相爭競乃美在
外間忽起而干涉自屬僭越美人揚言曰凡事無大小係西半球者則美宜有干涉之權國務大臣阿利穆公
文於英國政府申明此意英相沙兒士勃雷却之於是事漸紛紜文書往復數次後見美國堅執不動將以干
戈相見遂不得已降心相下從美之調停其為一大屈辱也可無論矣於是英國威信蕩然掃於西半球矣雖
然英國猶有未全衰者即赫赫之名亦仍奮也何也海上之師固猶以英為冠其艦隊之精銳無與比倫依然
雄視天下睥睨八荒雖以法國之堅甲利兵不能涉英一葦帶水之海峽不特此也雖歐洲至強之國猶難與
之爭勝乾坤而以兵戎相構何則其海軍之制以能匹敵歐洲二強國聯合艦隊為標準培養磨鍊以至今日
比較俄法同盟之艦隊未見其劣也母他施者嘗於海軍閱歷頗深據其昨年底所計算英國有一等戰艦二
十四艘而合俄法有一等戰艦十七艘英國二等戰艦十二艘而合俄法十六艘英國三等戰艦十一艘而合
俄法則止有二艘耳由是觀之雖各有優劣長短英艦數之過於二國則昭然矣況巡航艦海防艦等之艘數
亦凌駕二國之上也若夫德國實其次也豈能與較水師之雄哉英國已有此海軍之強據其天險則可以高
枕而卧矣然為不多焦風天下無一友邦為之與國故戰兢兢兢益思增廣海軍以為保護客歲嘗得國會

千八百七十萬鎊本年擬造一等戰艦三艘然英人猶以為未足如仙得也母士提報論曰其製作艦隊可匹敵歐洲列國聯合海軍者吾雖未知英人摩莫大國製造此破滅之具將欲用於何地唯列國怨惡之所集余為英國悲焉然而英擬造至強之海軍以敵歐洲列國亦不得已也嗚呼孰謂未必因其外交之失哉

今夫英國外交之失姑置勿論請言去年其海軍之所為不昭然可見乎彼海軍強威懾伏德國而抑壓其虜伺之念者前後二次一為脫蘭士罰爾一為善齊拔兩事並在於非洲夫德國擬染指於非洲大陸非一日之故而英亦方銳意吞噬兩國利害不能相容亦所難免也博士哲美森襲脫蘭士罰爾一敗於馬而把即德皇倉皇致電於脫之總統稱贊頌揚遂擬假道於葡國屬地以為外援英國赫怒惡德之舉措有破國交之義欲與言戰急命其強勇無雙之海峽艦隊更加戰艦數艘編制飛航艦隊將待號令一下則電擊德兵德國畏懼而止葡國亦峻拒假途而德愧無顏色是豈非堂堂之國一大恥乎唯德國先動而蒙汗辱英國艦隊未放一彈而名聲益揚矣是英國所以懾伏德國之一也善齊拔國有開立者弑其王而自立德國底護且隱匿之於領事館遂藏諸戰艦將敵英國英地中海好望角二艦隊展輪跋浪而來德即潛聲無復能為而事乃定矣意者微英國戰艦先制其機則危矣哉勢岌岌乎未知其何所底止也是英國所以懾伏德之二也英雖老矣然一號令海軍移調戰艦則列國側目焉而視嗚呼英國艦隊雄視天下今猶昔日未可謂其威去也英國海軍之強已如此而其逞雄威於陸上之心則猶有所逼抑博士哲美森提輕兵襲脫蘭士罰爾惜事不成耳如其成功必不遜印度當年克雷飛希士定等之公偏也至如遠征蘇丹則成功赫赫在人耳目沙兒士勃雷贊其總督揭者拿將軍云比古英雄亦無遜色初揭將軍以英兵及埃及兵編制遠征軍既向松路府而南下或入荒磧萬里絕人煙之境或涉急流奔湍之溪谷遂破敵兵而占領東阿勒亦是近時之壯圖矣俄法猜視聯合為阻礙之策而不能遂其意也則英國能成志於那爾路之上流亦可以知焉英國屬土之多北起於地中海之

濱南至好望角之峯頭豈非天下之偉觀乎嗚呼天下前古所無之大事人當未嘗深思之時已暗中大有轉動矣德既以干涉非洲之事兩為英所辱法又汲汲訂盟於俄蓋法人性質輕褻本好狂噪故雖稱自主共和之國一旦有拿破崙出則尊崇之拿破崙第三世能繼其後則詎歌之而遂不覺有緩丹之大敗也如彼無難也將軍亦名聲漸起輕舉妄動擬雪舊怨於隣邦今國內未見有偉人足附驥尾者於是以俄皇為可尊崇訂法俄之盟俄皇之抵法京國內士女傾城麇集於巴黎其所過之地觀者如山路傍人家樓閣悉為之長價一窗之相價至須一千法郎合計汽車乘輿觀兵護衛宴會觀劇等及各種費用則多至千五百萬法郎而法國究何所得曰唯有與俄皇握手西人謂耳唯此握手法人稱為俄法攻守同盟所存也如露透電音報曰且發之於事實必將不遂也然吾暫假法同盟想不似外間所稱之強盛往年法國艦隊航至俄軍港瓦塞石達得在柯特格島中地當蘇波得聖之俄國船隊亦抵法皇港都隆此中海軍初創時曾自都隆口且法允有事時以所謂俄法之盟實在此時也以有此同盟在故遂願獲其實效如前年勸德干涉遼東之事是矣雖移德於英國強議埃及之言而頗不能奏功蓋俄本與此無關痛癢故不致全力於此也且夫法與俄同盟其意在假俄援以復讐於德俄若從其意則與之南北夾擊而德國為墟是法人所志願也然俄豈不顧其休戚乎苟不顧己國之利害而為法所用豈俄肯如此之愚哉抑俄以為有利於己則或援助法國視其無利則任意所之獨行其志耳是俄人之實情也法人不悟急欲得俄之歡心未暇慮慮得失即一徇俄人之意最為可惡焉由是觀之所謂法俄同盟者不過法人為爪牙而俄善嘗其滋味耳然則縱令法人歡天喜地亦適足見其愚耳外務大臣亞耐多在議院公言俄法訂約亦豈足為多哉雖今看法國總統親詣俄京有擬與俄皇結交之說其所歸極亦可知耳

俄法同盟之本色實在如此然則德國如何處此同盟又如何處德奧意三國同盟乎蓋往年德與法俄兩國

同干涉遼東之事實為變例德決非幾視德奧意之三國同盟者故其加盟於遼東之事蓋為一時權宜之策而非欲永久株守也然則今德與奧意保存舊約無疑耳英國新報云該盟已解德報反駁之曰舊盟猶儼然存也吾雖未知烏之雌雄而能斷言該盟將漸無信而不必畏憚焉雖然其猶存於今亦為實事也且徵諸實際該盟蓋以千八百八十二年訂約五年為期滿至八十七年更續期五年故九十二年為滿期前未滿期一年更訂約為十二年期然則其存在乎今昭昭然矣雖然久盟易壞昨年十月俾斯麥暴露其執政時之秘事於漢勃那布立希丹報及奴弗雷伯雷賽報頗傷奧國和好之意而該約之瓦解將在旦夕矣所謂漢勃那布立希丹報者德前相俾斯麥所據以宣其政論者也主筆為呵父盟博士約每禮拜一次必訪俾侯於其家云奴弗雷伯雷賽報者奧國私淑俾侯斯報也俾侯暴露外交秘事於漢勃那布立希丹報言自千八百八十四年至九十年德俄之間有守中立之約其款曰二國締盟若有外國攻擊其一國則他國必守中立之義而不敢動兵夫德已訂德奧意三國之同盟而又竊訂此約於俄國則其於奧意豈非賣與國而何也秘事一旦暴於地球列邦遂多疑德國無復信之者蓋可謂當然矣又奴弗雷伯雷賽報登錄千八百七十五年俄先皇與俾斯麥書畧曰敝國若無事者二十年於茲秋高馬肥人有腍肉之歎今方擬率兵臨奧之

亞尼

斯亞賣國其堅守中立乎俾侯不答竊宣之於奧奧有所備俄遂不能構事於奧國然雄心未已於是乎有土耳其之事當此之時俄國略奧以割讓莫疏里亞希了者覺唯拿故奧不告變於土國而坐觀其變難奧既費其友邦土耳其德亦賣其友邦俄國然德之所以賣俄抑有故焉先是法國欲雪緞丹之恥當臆卧新志氣酷銳德國憂之宰相俾斯麥欲抑制之而謀諸俄俄國不從俾斯麥遂宣俄皇所遣之書於奧國蓋為此也嗚呼詭譎百端列國擠陷至此極矣抑外交之難反復無常朝友暮敵笑裏藏劍宴席有罪而欲翺翔於此間豈可不警哉

西班牙者故國也當前有年紀有屬土於印度非洲又奄有墨西哥南美洲等赫赫之威高於一世然其政治不善暴吏收斂竭蒼生之膏血於是今歲一屬地離叛明歲一屬地抗命而今也止有弗律賓於東古巴於西耳自少皇在位太后攝政治功未著國勢陵夷漸向末路故古巴義兵樹獨立之旗章其志士仁人塗鮮血於草野而不顧者已二年於茲西班牙政府倉皇逡巡不能鎮服又弗律賓人民憤其政虐執干戈而起者十萬餘人東西呼應將脫其羈勒西班牙政府處之未得其法以韋尼耳將軍為古巴總督以代康破斯將軍將軍頗解文明人不似舊總督之暴戾故古巴人士聞現任總督將至歡聲滿野不謂到古巴後為所捕虜死者甚眾其獨立軍總統麥西屋聞亦陷彼姦計而死計者一傳環球哀歎美人尤切其躁狂者至入駐美之西班牙公使署奪其旗章而分裂蹂躪於淤泥之中連呼曰宜准古巴獨立既而美國代議院議定認古巴為獨立交戰國元老院亦斷當與自主權於古巴然總統克黎先倫及國務親阿羅爾所以不敢遽允此等議者蓋慮美西兩國構爭也然古巴之事久結不解而其政府實無能為役則在美國豈得不干涉乎總統嘗遺書於議院曰我美豈忍默視古巴之苦情哉宜臨時協力於西班牙或獨力勘定其禍亂也誠以西班牙政府雖各稱握其主權而勢力或微不能鎮定其亂徒事爭戰而殘民命我美今日豈可不出於萬不得已之途而為之謀哉若夫論其方法如何則今未可明言唯顧事情如何耳是美總統所訟言而不敢憚也於是美國諸洲守土官或為此而講募義勇之計矣此信傳至西班牙舉國震恐士人稍有氣慨者亦憤慨焉總理大臣卡拉把士呼曰我窮與強國開戰必不能任古巴獨立也西班牙之居苦境可以概見矣今美國議院自舊臘休會至今意復開會將有何等見地乎至弗律賓之事亦似古巴該島人士希冀獨立之徒號召十萬以卡美地州爾馬士那委且路二地為據守根本勢頗猖獗已席捲馬當末士他兒他也馬士亞女昧等諸洲馬尼拉府亦陷於四面重圍之中西班牙政府新募兵於本國而前後數次調至者將及一萬然驅寒乞無賴之徒編烏合之眾

出臨戰場一聽砲聲則掩耳遁逃至腹中或倒戈而相擊規律之不嚴可知豈能得其用哉

日人闕名附

歐洲近世外交史

歐洲近世之變遷始自普魯士勃興稱霸於日耳曼聯邦而普魯士之勃興則始於沙德華之役大破奧斯馬加也昔歐洲中原有日耳曼人種四千萬或為王國或為侯國或為自治都府參差錯綜反目嫉視不能聯合為一普魯士在其間聲望未足俯首拜奧斯馬加之後塵迨十八百十五年諸邦大會立聯邦之約但論交涉諸事而不暇計及貿易故各邦互設關廠抽稅貨物來回碍乃有二十七關商情多礙於是各邦政治家有鑒於此更合訂貿易盟約而普魯士實為之長自是各邦有欲聯合為一咸一大國家之意而普魯士與奧斯馬加互爭權勢欲自霸焉普魯士最有權力千八百四十八年奧斯馬加有革命之變意大利亦有匪徒之亂普魯王維廉乘機發兵攻丹麥略其呵兒老士單賸犯士來士毀谷俄皇尼哥拉西謂普魯士亂歐洲之和局乃助丹麥而干涉普魯士千八百五十二年訂倫敦條約使普魯士反丹麥境地於是普魯士亦始知俄國足憚以為外交權術之可重猶在兵力之外千八百五十八年維廉第一當攝政之任乃舉俾斯麥為公使往駐俄京是實為近世外交之先聲也自千八百五十三年英法同盟破俄國於苦利美亞俄國之勢稍阻危同孤立遂謂奧斯馬加實為遮南下之長蛇也不斬此則志不能逞當時意大利未嘗崛興俄國惶惶無所倚賴至千八百五十七八年之交俄意欲親法國以入歐洲之會此時俾斯麥方為夫汝能古科女多議會員夫汝能古科女多議會者日耳曼聯邦議會恆商議各邦之外交事務者也乃窺俄有聯法之意欲先訂交於法而說維廉維廉有寵臣諷也女拉者力阻止之事遂不果然普國君臣等皆謂歐洲之事必準則於俄法二國以定指歸弗勒得律第一嘗遺訓其子孫云普魯士若欲有事於東南則必當先使俄國中立於局外德國君臣蓋守此祖訓也當是之時俾斯麥年方四十四性頗粗獷其在議會也往往以激烈之語致觸人怒故其升駐俄公

使世人多以為憂竊恐其敗壞國事然彼實非愚人豈喜粗豪自快哉唯善知寬猛之各有所宜也又深悉俄相哥羅則哥福以功名自喜而視奧斯馬加為眼中之釘也故乘其可為之時百方迎合得彼歡心俄國君臣亦頗信愛德使俾斯麥乃乘間諷云奧本為俄德之敵俄若有事於奧則請效犬馬之勞當時俾斯麥胸中唯欲成就日耳曼一統之大業耳於是決策從橫俄之君臣信若故交俾斯麥在俄三年千八百六十三年奉命出使法京少駐數月返柏林復命九月遂為參議長兼外務大臣會波蘭土之志士求立自治制度而不可得在俄屬之少年等揭竿倡亂蓋奧斯馬加陰助之假其邑我利西亞為負隅據守之地也俾斯麥踴躍自喜謂機會已至矣遂以我利西亞之事通知俄國政府且告曰請假兵鎮波蘭土以踐前約俄國雖謝絕假兵之請而知其背後有援豈得不強從其意哉自是與普魯士日益親善千八百六十三年二月俄普訂約密約蓋以鎮定反徒為準的也於是俄普之交日密而奧俄日疎即普魯士之素志亦漸償矣普魯士既假我以恩義豈一無所求於俄哉蓋普之意欲排斥奧國而自為日耳曼聯邦之長竊謂唯恃武力耳於思焦思苦心教練軍隊已歷多年所矣其兵部大臣芬隴總攬樞密之才卓越天下其大將毛奇神機妙算古今罕匹而上一心兵器精良嚴整軍械士氣大振皆期破奧於一擊之下軍士數迫普王而伸言此意普王維廉本庸靜深思不為軍士之言所動曰且姑待之持重而未發者已有數年迨俾斯麥自俄而歸直啟覺於丹麥急發兵而占有呵老士打應又進侵士那士耳普當此之時奧國瀝勞人麻路公已死繼續無人外交之政將漸廢弛見普魯士所為移牒與列國商議英法二國頗非刺普國然普魯士方恃俄之中立而奧親英法亦無戰意乃出兵於丹麥使其王騎勞士將第九葉二州之地以為奧普兩國公同統屬之地蓋奧國之意欲貽口實於丹麥以為異日之計也俾斯麥百方沮止奧國政策欲以激發其交戰然戰鬪一開則恐法國或礙已事故引為同盟且表意國有欲恢復其故地維里使亞於奧國之志又欲與普法意三國聯盟以敵奧國乃遣將軍方亞柳郵往

法國然駐法國公使方布露古則沮止之云機會未至也俾斯麥怫然云可矣將獨力擊奧國然不得意之聲援則不能孤行而意國政府又欲聯絡法皇拿破崙第三有不願訂盟之意千八百六十五年九月俾斯麥躬至尾亞自親訪法皇說云當有事之日使意國與普魯士同盟及事平與法以比利時等任法國管有一帶之地法皇本不料普魯士之必勝故欲乘普奧兩國之弊而有所作為乃許俾斯麥所請於是普意之間同訂攻守盟約而奧國未知也千八百六十九年末普將蠻自非兒出法令禁人民公宣輿論奧士呵羅士打彭之士民大憤集議示威俾斯麥以為奧國民人助彼謀反也乃偏請奧皇對答奧皇斥之俾斯麥拍掌而喜機會之至遂與開戰奧國不得已而應馬意邦亦出兵於境上控制奧國之後大戰於殺羅亞奧軍大敗聽命於普遂賠償軍餉又割泗來使亦谷呵羅士打影兩地於是乎普魯士之勢成遂為日耳曼聯邦盟主矣先是法俄二國坐視普奧之交爭而不敢動及普魯士制勝兩國遂不能置諸不論法皇拿破崙第三簡派使臣往德國政府云宜以路奇心保路與法以泯恣戾及卡兒亞併於普魯士以冷我併於把華尼亞以剔士單多併於巴丁以亞兒母與華兒丁保路然俄國亦干涉云宜集列國會議而訂講和約條俾斯麥荏苒彌日不應法國遣老將蠻兒非路於俄國竊約云當俄國有事於東方之日普魯士必援助俄且應使各國廢棄千八百五十六年所訂限制軍艦隻數泊於達太爾路士之條約於是俄國大喜遂覆集列國會議之說普魯士既以甘言和俄竊謂法國已不足懼於是答法國使臣云貴國所要求實難應允貴國若強從決意行之則恐生大難也法國亦頗遂巡畏縮焉

記西國古史

闕名

問埃及為西國最古之邦其政學若何曰昔埃及賢王美內士約在紀元前三千八百八十餘年有大德教民教牆設職官造文字修法度諸國儔然宗之後則拉墨塞功名顯著萬國史記然其國往往為牧者所據彼時殆游牧之國邪自

紀元前五百年來國大衰微或隸波斯或隸馬基頓前三百或隸羅馬十年或隸土耳其其後一千七積弱

與印度等今雖改為藩國而英法爭之不已自去歲啟衅九樞机殆難言狀夷攷其地古跡最多殆三四十

年前之極強大國其民分六族曰祭司族曰軍士族最貴曰農曰商曰工曰牧牧最賤且眾余觀其賤牧即

知其蔑視前人游牧開基之心其不振也宜哉古教彙參曰埃及王古稱法老位以世及史云上古為民主

之國王由民定有聖書有律例又云有埃及書二三卷約在陶唐以上其別言輪迴為一書言王事為一書

言地輿為一書醫學重算學天文各一書又周赧王時埃及設四學一文字一歷算一象緯一醫學西學

又舊約埃及記言埃及事頗詳故西人述一切文字典章靡不源本埃及且塙鑿言之曰埃及與中國同源

是古時埃及之學為中國傳布無疑乃西人日衍埃及餘緒爭奇遺物中國反自昧本源詫為異學甘儒者

不知之恥蹈數典忘祖之譏是何異埃及之自棄其學也近日埃及頗能講求實學惜積弱久不能自振光緒二年英法二國派使臣為清理國債統籌出入

是埃及直英法屬部耳

問希臘亦古之埃及也何以蹶而復振曰其政俗善變也考紀元前一千二百五十七年雅典希臘王德修患

眾紳專剝農工先是分爵紳百工農民三等乃抑損權貴如惠黎民選人奉行新法此雅典變法之明驗也紀元前九百

年開元老院擇賢者年六十以下為之開民會凡事必經民會商議始行置法官五員可以糾王及各長官

此為歐洲參用民權之先聲安雅典制度如重兵健門崇音樂造海軍建書院今西人皆至師之以策富強他如搜格拉底以理學名家王時安烈

測知日月食交周周顯王時歐凡利德著幾何原本亞奇默德悟重學遠螺絲起重諸器王時意拉桑司的厄測

算地球半徑埃克米創渾天儀秦時此皆塙而有徵者其時政統于學道合于器雄冠歐洲良非偶然厥後

侈心漸萌戰禍日亟紀元前四百餘年雅典統中降于帕士太太改國法民不堪命希臘由是頓衰紀元後

一百四十六年羅馬滅希臘為東羅馬仍稱希臘帝國至一千四百五十年土耳其攻東羅馬取希臘奴之

布膽苦土人殘暴私結一社曰希的里亞于一千八百二十一年公告肇立共和政體與土人鏖兵七年三
因俄力為自主國自是建學校修律書政教風俗彬彬日上君子譔其賢子印度埃及遠甚今歲又以格中
脫島事與土尋釁土幾不支視前此之受脅于土何如果若夫歐人之理學詩家亦首推希臘殆西方之而
魯歟然近來民黨過甚屢刺俄皇奇禍斯祈君子汲焉若前此弊端百出教業參詳皆有國之望也今夫印度埃及希臘皆古
名邦學術技藝冠絕一時惟無善政以輔之斯數千年不振苟政學相為體用斯辱國可與圖存故夫天人
間之輪軸機揆捷于影響有國者知所法哉

問波斯政學若何曰當中國帝嘗時有開我摩者斯建國色立齒城虞舜時分民為三種曰兵農工治厯象議

官分職政法大備

西學輯存

後屬亞西里亞亞西里亞者歐人所謂華生人類之國也周襄王時波斯裔開里白

德復王波斯周懿王時國分為三曰後亞西里亞曰猶太曰巴比倫後有居魯士英武絕倫席捲亞西里亞

巴比倫諸部東盡印度河西至地中海北馮黑海裏海至顯王時併于亞歷山德山德死諸部仍據土自王

時合時分蜀漢建興間舊王裔亞爾達吉始恢復波斯唐貞觀時并于大食

唐書

奉阿剌伯

即大食

回教憲宗

時將軍大厚據波斯再王後唐時王馬大道拉勵精圖治政教風俗漸復其舊宋時又為土耳其阿伯特真

所蝕元太祖時征波斯命察哈台鎮阿母河波斯屬焉憲宗又以弟火拉兀王波斯明洪武時并于撒馬兒

罕孝宗時沙蘭生人起兵逐之波斯又自立國迄今分合不常疆土日蹙英俄交構岌岌不支其海島緊連

印度尤為俄所必爭其俗勁悍不及土耳其而屏蔽印度如高麗之于遼東將來或入英或入俄乃歐亞一

大關鍵余嘗攷波斯當周景王時立賽馬司為通商口與各國貿遷其王大利烏第一賦稅興學校增兵卒

築礮臺鑄金幣敬王時國人批早果講七政運行之理貞定王時希魯魯安多游歷各邦講求實學周本監輔

所謂波斯之盛與孔子之教相近蓋指此時其後淪于回教者千餘年人物閑寂政術陵遲今之得為英才